

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CCIIIX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Salutem in Christo, tradito propter peccata nostra & resuscitato propter iustitiam nostram, Reverende Domine Superintendens, amice colende.

GRatissimæ fuerunt mihi proximæ tuæ litteræ, ex quibus multa, quæ de communi τῆς καθολικῆς ἐκκλησίας inter nostros negotio scire dudum desideraveram, cognovi. Quod Sacramentarii omnia insidiosarum inquinatio- num arma ad impediendum aut certe turbandum salutare hoc negotium expediunt, mirum mihi non est. Sæpe enim soleo dicere: si Satan jam, cum jugulum ipsius peritur, non omnes suas machinationes contra negotium hoc educeret, so wäre er kein redlicher Teuffel. De vestri verò Ministerii sinceritate ac promptitudine ad juvandum salutare hoc negocium, sicut & de aliarum Suevicarum Ecclesiarum consensione, ex animo gaudeo. Quia verò Palatinus Elector Landgravium sequitur & subscriptionis differt iudicium, si quædam desiderant in Formula Concordiæ, quæ cupiunt mutari, sicut & pauci quidam alii Principes & ordines, nuper decretum est, ut simul in unum locum ad conventum seu colloquium convocentur Theologi quidam, ablegandi tum ab illis statibus, qui formulam sua subscriptione jam comprobant, tum ab illis etiam, qui adhuc tergiversantur ac prætendunt nescio quæ, ut utrinque fraterne de toto negotio colloquantur, audiant eos, qui adhuc desiderare aliquid videntur; darauff freundliche gründliche Verichte thun / ut hoc modo per gratiam DEI, si fieri posset, omnes ordines se adjungant; sin minus, ut ordinibus probantibus formulam indicetur, quid porro faciendum sit. Ad illum Conventum R. T. D. etiam vocabitur. Coram igitur, DEO bene juvante, de multis rebus colloquemur. Has literas tradidi Viro docto ac pio, Magistro Pruteno, qui duos adolescentes ex præcipua nobilitate Danica ad vestram Academiam ducit. Quibus ut pro humanitate tua omnia benevolentiæ officia mea etiam causa præstes, amanter & diligenter oro. Datæ feriæ 2. paschatis, ac propter festi occupationes brevitati veniam dabis. Salutem adscribo Reverendis Ministerii vestri fratribus, vale in Christo 1576.

T. T.

Martinus Kemnitius.

CCIIIX.

SCasparus Estius à te mihi commendatus, talis prorsus apparet, qualem mihi depinxisti. Recepi eum in meum convictum, & vel tua & avi materni, perpetua

MEMO-

memoria celebrandi, Hedionis præceptoris mei causa, delector ejus ingenio, studio & modestia, quare commodaturus illi sum, quacunq; occasione potero. M. Heckelium tibi atque Collegis probatum iri nihil dubitavi, simul ac cognosceretur propius & audiretur; eoq; magis oro Dominum, ut sit salutare Ecclesiæ nostræ organum. De Turca quid futurum sit, Ratisponensia comitia ostendent; quæ nunc celebrari audimus; ad ea ut Evangelicæ civitates in Helvetiis mitterentur, urfit serid Palatinus, nimirum, ut ipsius & similium causæ patrocinentur suo interventu. Unde & ad nostrum Magistratum relata res est, & conventus civitatum habitus, in quo nostri, qui pastorum suæ civitatis quatuor sententiam requisierant, negarunt, se missuros esse, nec videri consultum, & nec Bernates, ut audio, à nostris dissenserunt hac in parte, ut arbitrer, neminem missum iri, ut cunq; non desinat instare Elector. Nostri fortè non abs re metuunt, ne in præjudicium trahatur solidi in dogmate controverso consensus, si quacunq; ratione sese admisceant. In Sturmio vestro vehementer commendandum est pacis & consensionis tuendæ, remque literariam provehendi studium, ut sub extremam hanc vitæ suæ metam relinquat operis sui, præclari, fructus. Ex Gallia nos certi prorsus nihil habemus, certum verò est, vel pacem conclusum, vel pugna decertatum iri, fiat in ea re, quod bonum est coram oculis DEI. Cæterum quo successu labore Clarissimus vir, D. D. Jacobus Andreae, scire vehementer cupio, spero autem, non inanem fore ejus & reliquorum, qui feruntur, adjuncti, operam, sanctissimumq; studium. De quo si quid habes, rogo significes, & bene valeas cum tuis omnibus. Basil. 10. Maji, Anno 76.

Tuus ut semper ex animo frater

Sulcerus.



CCIX.

S. Venerande vir, Domine ac præceptor colende.

Quod hætenus semper mihi faciendum censui, ut in rebus difficilibus tuum consilium atq; opem requirerem ac implorarem, neq; id unquam me sine fructu facere memini, idem nunc facio, non meo solum nomine, sed etiam fratrum. Accidit autem ante dies non ita multos, ut scholæ nostræ Rector avocatus sit ad conditionem aliam, & quidem Ecclesiasticam, atq; ita intra mensē unum atq; alterum sit nobis locum illum primarium relicturus vacuum, & idoneo successore explendum. Jam non obvii sunt ubique tales, qui in ejusmodi locum reponantur. Oportet enim esse virum puritatis doctrinæ amantem & intelligentem, & se suamq; scholam